

石埭縣志序



古今紀載之大者曰經曰史
曰志志之大者莫若職方輿
地一統諸書至若蒐考故實
網羅遺逸之功則史官不能

石埭縣志

沈序

具悉必且以其事徵之牧伯
牧伯徵之州郡州郡徵之邑
長吏而後採訪始備叅訂始
詳是故邑之有志志之權輿
也然今日之長吏留意於斯

者蓋亦鮮矣。域邑姚侯爲東
粵名宿，文章治行卓著。江表
視事十餘年，政成化洽。孔爾
興歌會。

天子銳意文治

石埭縣志

沈序二

詔直省府州縣各脩厥志。侯乃
與邑之薦紳士取舊志掇拾
纂輯補缺畧訂舛訛孜孜早
夜無或敢忽。居一年志成。噫
侯誠有功紀載哉。夫士君子

游宦所至無論地之大小皆
當有著述不朽以待後人俾
千載而下沿革廢置歷歷皆
在吾目而生乎我後者亦得
以知我今日此昔之人所由

勒銘於山沉碑於淵以防陵
谷之遷變也埭邑雖蕞爾其
地視古小侯國江山襟帶疆
土肥瘠風俗升降租調多寡
與夫名公巨卿所發迹賢人

烈女所鍾英高隱大德所往
來棲息錯出迭起代不乏人
昔我先世君輿公諱輅者唐
咸通進士授長林令避黃巢
亂徙居茲土積德基行子孫

蕃衍遂爲邑中著姓余嘗閱
家乘而嘆息前志之缺漏今
幸得補葺以垂永世且舊志
脩於明神宗時今復八十有
矣此八十年間風移世變豈

無足光史冊而示來茲者其
待侯以表彰又不知凡幾也
甚矣侯之有功紀載哉我江
南十四郡州邑計百十有奇
其克依期限採纂成篇蓋不

數數見夫豈無博學好古著
作之才歟良由簿書期會鞅
掌卒瘁雖欲與學士大夫考
訂今古網羅舊聞而勢有不
逮惟石邑姚侯專心肆力以

早竣厥事余讀斯志又不禁
慨然嘆吏治之不易而深幸
姚侯此舉能為諸郡邑倡也
是為序

賜進士及第通議大夫詹事府

少詹事兼翰林院侍講學士
加一級華亭沈荃撰



石埭縣志序

蓋聞太上立德其次立功其次立言是謂不朽言雖居功德之次然傳德與功者言也又曰文章經國大業不朽盛

石埭縣志

姚序一

事昔之有功德之人衆矣皆不外開卷得之是以域中之大權曰史志者又史之權衡也古者先王省方觀民以教教職方所掌輜軒所採凡

川之險易戶口之生息風俗
之貞淫人才之消長吏治之
臧否物產之盈縮錢穀之出
入城垣廨宇之修葺廢墜與
災祥水旱之在天忠孝節義
之在人莫不輯爲一書上之
當宁典至鉅也今

天子興道致治特允輔臣之請

詔修大一統志非徒侈無外之
弘規實欲傳不朽之盛事而

必于邑乘爲始基焉石塚古
陵陽地在漢以寶子明顯迄
今而我兄六康來宰斯邑高
鮮製錦歷十有一年矣其清
操惠政在人口碑類難更僕

數大約皆原本于經術蓋文
章政事合而爲一者也吾兄
以海內各宿于古今載籍罔
弗該貫而又負良史才使得
簪筆蘭臺石渠之間出其三

長以藏之金匱而示來茲豈
不足以頡頏班馬而僅俛首
作吏勞勞于簿書期會非其
意矣乃于政成民和之餘能
佃漁藝圃含英咀華麗句鴻

章國門紙貴茲者取八十年
來未修之志起而釐定之綱
羅舊聞蒐討遺佚湛思揆藻
纂輯成編旣綱舉以目張復
條分而縷析存信則闕郭公

夏五之疑訂謫則無繁文重
魚之誤載形勝而林籓列稽
版圖而生齒繁問俗則闢井
還淳作人則絃歌蒲室標循
良之芳躅紀蕃廡之庶徵核

田賦而催科不煩治土木而
子來恐後豐年無二時之害
潛德闡千載之光豈惟一邑
之嘉模所謂經國文章當不
外是皆兄之言也而德與功

傳之矣并前乎此者之德與
功胥傳之矣使是編得呈

御覽定嘆爲一代詞宗不次而
畀以著作之任用以潤色隆
平敷揚盛化天下大一統志

實嘉賴之藁爾埭實始基之
已又况其所以不朽者乃在
百世以後哉予故樂得而序
之

前進士出身榮祿大夫刑部尙

書加一級前都察院掌院事
左都御史兵部督捕右侍郎
管左侍郎事奉

命江南察審刑部左侍郎克癸
丑科武殿試讀卷癸丑科文

石埭縣志

姚序七

會試副總裁都察院左副都
御史內陞食正四品俸戶科
掌印給事中庚戌科武會試
同考吏禮兵工四科給事中
戊子奉

命山東典試大主考內翰林國
史院庶吉士愚第文然拜撰



石埭縣志

姚序八

自序

志者識也一統志識四方之
槩一邑志識一邑之槩雖大
小不侔而綱維包舉哀次論
刻叅之以衆裁之以獨則同

條而共貫也埭故有志略而
弗詳自萬曆甲辰熊侯修之
距今七十餘載莊初視事展

讀喟然卽欲采摭編纂紹繼
前徽日不暇給數年來稍稍

樊剔利興綱舉目張會

國家修一統志

詔直省羈邑各修志以上又

頒河南省新志爲天下式莊始

進邑之大夫士暨耆老而告

之交相踴躍樂於從事謂舊

志多蕪略板帙殘缺中際滄

桑又復興革互異失今不修

漸至文凋獻謝祀宋無徵乃

擇吉告於

先師廟開局城南古剝敦聘鄉
封及邑之碩彥或驅車四出
或簪筆同堂博采芻求和衷
共事而莊不敏以簿書之暇
竭其一得其佐鉛槧閱二暮

迺訖厥功

子莊

於是作而言

曰志之役大矣哉埭雖葺爾
舊志具在顧山川阨塞謠俗
奢儉不無今昔之殊戶口物
產之贏縮官師先後之去留